

DA VEMOR

An Autrou' n Abat a LANSALUT,

Chalont eus a Ilis an Itron Varia ar Yur a Ventroulez,

eus a Meaux hac a Guemper.

PERSON GARLAN:

*Maro e Montroulez, 'an 19 eus a vis Mae 1846, hac anteret an deiz
varlerc'h en Garland, da bemp heur eus an nôs.*

O devez a c'hlac'har! ne velomp tro-wardro
Nemet tristidiguez var bisach tud ar vro....
An Abat LANSALUT, qen caret gant an oll,
Allas! ô va Doue, a ràncomp dont da goll!
Na glêver, var ar mēz hac en qêr, nep seurt brut
Nemet : Maro eo-ta an Abat LANSALUT!....

Peguer bras niver tud, diredet a bep tu,
Vardro Sant-Malani, pen-da-ben dre ar ru,
A voa en em gavet da vesca o feden
Gant ar c'hân a varo demeus ar véleyen!
Eun dever just e voa dont eno da bedi
Evit eun den qer mad, qeuziet a bep-hini.

Pa bartias ar c'horf evit mont da C'harlan ,
 E voe heuillet gant calz a vignonet dezan ,
 Pere n'er c'huittajont , oll carguet a c'hlac'har ,
 Qen a voe e gorf paour disqennet en douar.
 Harp d'an Autrou David eo laqet da repos ;
 O. eueou a zo en joa ar barados.
 En em garout a rent evel daou güir vignon ;
 Eur vadelez meurbet a voa en o c'halon.
 Dorn Doue en devoa e gunduet dezàn ;
 Madelez an Abat a voa bras evitan.
 Goude beza santet trubuilou eus ar bed ,
 Evel eun hilloen e voa en em staguet
 Ouz an den generus , pini n'en d'oa qen c'hoant
 Nemet da glasq bepret dont d'en renta contant.
 Gante o daou e meus bet alies comzet ;
 Va c'halon a zanten em c'hreiz joaüs meurbet
 Pa deuen da zelaou an eil hac eguille ,
 Hac o velet penaus voa bras o c'harante.

Er güelet hon eus öll , n'eus fors dre bez amzer ,
 O tont gant eur soign vras da göveasät en qer :
 Nac ar brassa tomder , nac ar yenien vras
 Na eljont en ampech , daoust d'e oll boan , sivoas :
 Peur-gontanti an oll a voa e c'hoant vrassa ,
 En despit d'e scuisher , alies ar goassa :

Pelec'h cavout eun den qer mad , qen generus ,
 Dignoc'h eus ar garg caer a Vinistr da Jesus ?
 E blijadur vrassa , c'houi er goar , christenien ,
 A voa , en peb amzer , ober vad d'ar beorien .
 Na pebes niver tud , en o c'höveasion ,
 A recevas outàn peb consolation !



Garlanis maleürus ! c'houi a goll eur güir dad ;
Mes ni ive , allas ! a goll eur mignon mad.

Daou vloas ha tregont zo ho poa-én da Bastor :
Ha c'houi oc'h eus biscoas güelet etal e zor
Ar paour qez ezommec , hep beza soulajet
Gant an den venerabl ancomp divoeret ?
Atao o receve eguis e vugale ,
Hac o rente contant ha joaüs hep dale.
E féçon d'o receo , qer franc ha qer laouen ,
A laqe anéze d'ancouât o anqen.

Ma vije nep sourci etouez tud e barres ,
E cavet en Abat güir guelennadurez ,
Ha contant da zonet da zenti d'e gomzou ,
En em gavent eürus da heuil e guzulliou.
Mar tigüeje unau e zanyad dianqet ,
E guis eur pastor mad e rede d'e gavet ,
Hac e comze outàn gant qer braz madelez ,
M'en em rente sonden da eur seurt carantez.
Biscoas den , a gredàn , goude en d'empret ,
Na ellas qet mancout da zonet d'e garet.

Ne gredàn qet beza biqen dislavaret ,
O credi e vezo meurbet dies cavet
Eur Pastor qen carus eguetàn birviquen :
Graç déc'h , Garlanis qer , d'er possedi sonden.

Unanet oll hirio en e servich eiz de ,
Demp bremâ d'an daoulin da bedi var e ve ;
Trugarecomp Doue , rentomp dezàn enor
D'er beza bet qet all evit her güir Pastor ,

Ha pedomp hor C'hrouer ma zayo da repos
Etouez an oll æles en gloar ar Barados.

Miromp en hor c'halon memor an Abat qer ;
Ra vo present deomp oll atao en pæb amzer :
Memor eur Pastor mad zo qer da bep christen :
En Abat LANSALUT hor bo sonch da vigen.

EUR MIGNON CÔS D'AN AUTROU'N ABAT.

A handwritten signature in cursive script, appearing to read "A. Lédan", enclosed within a faint, oval-shaped border.

E Montroulez, eus a Imprimeri LÉDAN.